

Wujud Raos Syukur marang Gusti Allah

Oleh : Ajie Najmuddin

Sumber : NU Online

Penyedia File : ndereknngaji.com

Khutbah I

أَلْحَمْدُ لِلَّهِ الَّذِي هَدَانَا سُبُلَ السَّلَامِ، وَأَفْهَمَنَا بِشَرِيعَةِ النَّبِيِّ الْكَرِيمِ، أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، ذُو الْجَلَالِ وَالْإِكْرَامِ، وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدُهُ وَرَسُولُهُ، اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَالتَّابِعِينَ بِإِحْسَانٍ إِلَى يَوْمِ الدِّينِ، أما بعد: فيا أيها الإخوان، أوصيكم ونفسي بتقوى الله وطاعته لعلكم تفلحون، قال الله تعالى في القرآن الكريم: أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ: يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا، يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا وَقَالَ تَعَالَى يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ. صدق الله العظيم

Jamaah shalat Jumat ingkang minulya,

Wonten ing pambuka sidang khutbah ingkang minulya punika, kepareng khatib ngaturaken pepeling kagem kita sedaya. Manggaha kita tansah ningkataken takwa kita, kelawan nindaake perintah Gusti saha nebihi sedaya awisane. Mugi-mugi kita kalebet golongan ingkang angsal Ridha saking Gusti Allah ta'ala.

وَتَزُودُوا فَإِنَّ خَيْرَ الزَّادِ التَّقْوَى وَاتَّقُوا يَا أُولِي الْأَلْبَابِ

Artosipun: "Pada (gawa) sanguha sira kabeh, mangka setuhune luwih bagus-baguse sangu, yaiku takwa marang Allah. Lan padha takwaha sira kabeh ing Ingsun (Allah), hei wong kang padha duweni akal," (QS Al-Baqarah: 197)

Jamaah Jumat rahimakumullah,

Gusti Allah swt wonten ing Surat Luqman, ayat 12, paring dhawuh:

أَنْ أَشْكُرَ لِلَّهِ وَمَنْ يَشْكُرْ فَإِنَّمَا يَشْكُرُ لِنَفْسِهِ

Artosipun: "Sira syukura marang Allah ta'ala. Sapa wonge kang syukur, mangka sejatine deweke iku nyukuri awake dewe (jalaran ganjarane syukur iku dirasaake awake dhewe)."

Gusti Allah swt sampun paring perintah dhumateng kita sedaya, supaya padha syukur dhumateng Allah. Perintah menika mboten ateges, bilih Gusti Allah butuh marang ungkapan syukur saking makhluk. Sebab, sakmisale menungsa mboten padha syukur marang Allah, manga Gusti Allah tetep dados Dzat kang Maha Sugih lan Kuwasa marang sedaya alam menika.

Sejatosipun, perintah sukur menika dados kewajiban saha kebutuhane makhluk. Sebab menawi kita, purun syukur dhateng Allah ta'ala, mangka bakal ditambahi kesaenan saha nikmat saking Allah ta'ala. Kados dene dhawuhipun Allah ing surat Ibrahim ayat 7:

لَئِنْ شَكَرْتُمْ لَأَزِيدَنَّكُمْ وَلَئِنْ كَفَرْتُمْ إِنَّ عَذَابِي لَشَدِيدٌ

Artosipun: "Yekti yen sira kabeh padha syukur, Ingsun Allah mesti bakal paring tambahan nikmat marang sira kabeh. Lan menawa sira kabeh padha kufur. Awas! saktemene siksa Ingsun (Allah) banget larane."

Menawi kita kufur marang nikmat-nikmat saking Allah, mangka Allah ta'ala bakal maringi siksa kang perih lan abot. Wujude adzab saking Gusti Allah, arupi siksa ing neraka. Saget ugi ditampa nalika ana ing dunya. Kita saget mirsani utawi raosaken piyambak, priipun kahanane tiyang kang mboten syukur marang Allah.

Piyambake gampang iri, marang nikmat kang ditampa wong liya. Utawa rumangsa kurang utawa ora puas, peparing nikmat saking Gusti, marang dheweke. Kanggone wong sing ora gelem syukur marang nikmate Allah, kahanan menika saget nyiksa pikiran lan mentale.

Jamaah Jumat rahimakumullah,

Raos syukur dhumateng Allah swt saget dipun wujudake kanthi tiga cara. Pertama inggih puniko syukur kelawan lisan. Syukur kelawan lisan, tegesipun ngedalake raos syukur utawi maturnuwun dhumateng Gusti Allah, awit saking nikmat lan anugrah saking Gusti. Umumipun dipun wujudake, kanthi ngucap waosan: Alhamdulillah.

Mboten cekap maos hamdalah, tiyang ingkang syukur kelawan lisan, bakal ngrekse lisane kanggo maos kalimat-kalimat ingkang sahe lan ati-ati ing dalem nggunaaake lisan, supaya mboten dadi sebab larane wong liya.

Perintah supaya gunaaake lisan kangge perkara kang becik, ugi sampun dipun dhawuhake Kanjeng Nabi Muhammad saw:

وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيَقُلْ خَيْرًا أَوْ لِيَصْمُتْ

Artosipun: "Sing sapa wongé kang iman marang Allah lan dina akhir, supaya ngucap kang becik utawa meneng." (HR Bukhari)

Kaping kalih, syukur kelawan ati. Raos syukur ingkang kaping kalih, saget kita wujudake ana ing njero ati. Raos seneng, ikhlas, ridla saking sedaya peparinge Gusti, ingkang mboten saget kita itung. Menawi kita jujur, tentunipun katah sanget nikmat saking Gusti Allah. Lan saben-saben nikmat menika, sejatosipun kedah kita syukuri.

Dibandingke karo ujian lan coba ingkang kita tampi, sejatosipun langkung katah nikmat saking Gusti ingkang sampun kita tampi. Nikmat saget nyedot oksigen, kita saget ningali pemandangan

kang sahe, saget mireng alunan suara kang nyenengke, saget dhahar utawi ngunjuk kanthi raos kang eco, sedaya menika namung sekedik contoh nikmat saking Gusti Allah.

Sedaya menika, mangga saget kita angen-angen, lajeng kita raosaken rasa syukur ana ing manahipun kita sedaya. Tiyang kang syukur dhateng Allah, bakal gadah ati kang ikhlas. Mboten seneng sambat marang kekurangan-kekurangan utawa perkara mboten nyenengke, ingkang dadi ujian lan coba kang ditampi ing dunya.

Tiyang kang gadah raos syukur biasanipun gadah rasa luwih sabar tinimbang wong kang ora syukur. Pancen, supaya saget syukur kita ugi kedah gadahi kesabaran. Supaya sabar kita perlu keikhlasan. Syukur, sabar lan ikhlas sejatosipun saling berkaitan.

Ketigo, syukur kelawan penggawean. Kados dene syukur kelawan lisan, syukur kelawan penggawean utowo perbuatan, tegese nggunaake sedaya peparinge Gusti ingkang awujud anggota badan menika, kangge perkara kang sae lan manfaat. Manfaat menika saget kita wujudake piyambak, kados dene kita gunaake kangge ibadah shalat lan sanesipun. Utawi kangge kegiatan ingkang manfaat dhateng tiyang sanes.

Raos syukur kelawan perbuatan utawi ibadah menika sampun dipun contoake Kanjeng Nabi Muhammad saw. Senajan piyambake sampun dijamin mlebet Swarga, ananging tetep sregep shalat, ngantos-ngantos sukunipun abuh. Menika dados wujud syukur lan tresna marang Gusti Allah ta'ala.

Mugi-mugi kita sedaya dipun paringi gampil, supaya saget syukur marang nikmate Gusti, ugi dipun catet dados tiyang-tiyang ingkang syukur marang Gusti. Lan mugi-mugi kita sedaya dipun kumpulake, sartane tiyang-tiyang kang padha syukur marang Gusti. Amin ya Rabbal Alamin.

جَعَلَنَا اللَّهُ وَإِيَّاكُمْ مِنَ الْفَائِزِينَ الْآمِنِينَ، وَأَدْخَلَنَا وَإِيَّاكُمْ فِي زُمْرَةِ عِبَادِهِ الْمُؤْمِنِينَ : أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ
الرحمن الرحيم: يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا. بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعْنِي وَإِيَّاكُمْ بِالْآيَاتِ
وَذِكْرِ الْحَكِيمِ. إِنَّهُ تَعَالَى جَوَادٌ كَرِيمٌ مَلِكٌ بَرٌّ رُؤُوفٌ رَحِيمٌ

Khutbah II

الْحَمْدُ لِلَّهِ عَلَى إِحْسَانِهِ وَالشُّكْرُ لَهُ عَلَى تَوْفِيقِهِ وَامْتِنَانِهِ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا مُحَمَّدًا عَبْدَهُ
وَرَسُولَهُ الدَّاعِيَ إِلَى رِضْوَانِهِ. اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَسَلِّمْ تَسْلِيمًا كَثِيرًا أَمَّا بَعْدُ فَيَا أَيُّهَا النَّاسُ اتَّقُوا اللَّهَ
فِيمَا أَمَرَ وَأَتَّقُوا عَمَّا نَهَى وَعَلِّمُوا أَنَّ اللَّهَ أَمْرُكُمْ بِأَمْرٍ بَدَأَ فِيهِ بِنَفْسِهِ وَثَنَى بِمَلَائِكَتِهِ بِقُدْسِهِ وَقَالَ تَعَالَى إِنَّ اللَّهَ وَمَلَائِكَتَهُ يُصَلُّونَ
عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ
وَعَلَى أَنْبِيَائِكَ وَرُسُلِكَ وَمَلَائِكَتِكَ الْمُقَرَّبِينَ وَارْضَ اللَّهُمَّ عَنِ الْخُلَفَاءِ الرَّاشِدِينَ أَبِي بَكْرٍ وَعُمَرُ وَعُثْمَانُ وَعَلِيٌّ وَعَنْ بَقِيَّةِ الصَّحَابَةِ
والتَّابِعِينَ وَتَابِعِي التَّابِعِينَ لَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ بِرَحْمَتِكَ يَا أَرْحَمَ الرَّاحِمِينَ اللَّهُمَّ اغْفِرْ لِلْمُؤْمِنِينَ
وَالْمُؤْمِنَاتِ وَالْمُسْلِمِينَ وَالْمُسْلِمَاتِ الْأَحْيَاءِ مِنْهُمْ وَالْأَمْوَاتِ اللَّهُمَّ أَعِزِّ الْإِسْلَامَ وَالْمُسْلِمِينَ وَأَذِلَّ الشِّرْكَ وَالْمُشْرِكِينَ وَانصُرْ عِبَادَكَ

الْمُوحِدِيَّةَ وَانْصُرْ مَنْ نَصَرَ الدِّينَ وَاخْذُلْ مَنْ خَذَلَ الْمُسْلِمِينَ وَدَمِّرْ أَعْدَاءَ الدِّينِ وَاعْلِي كَلِمَاتِكَ إِلَى يَوْمِ الدِّينِ. اللَّهُمَّ ادْفَعْ عَنَّا
الْبَلَاءَ وَالْوَبَاءَ وَالزَّلَازِلَ وَالْحَنَ وَسُوءَ الْفِتْنَةِ وَالْحَنَ مَا ظَهَرَ مِنْهَا وَمَا بَطَنَ عَن بَلَدِنَا إِنْ دُونِيسِيَّا خَاصَّةً وَسَائِرِ بُلْدَانِ الْمُسْلِمِينَ
عَامَّةً يَا رَبَّ الْعَالَمِينَ. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. رَبَّنَا ظَلَمْنَا أَنْفُسَنَا وَإِنْ لَمْ تَغْفِرْ لَنَا وَتَرْحَمْنَا
لَنَكُونَنَّ مِنَ الْخَاسِرِينَ عِبَادَ اللَّهِ ! إِنَّ اللَّهَ يَأْمُرُنَا بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ
يَعِظُكُمْ لَعَلَّكُمْ تَذَكَّرُونَ وَادْكُرُوا اللَّهَ الْعَظِيمَ يَذْكُرْكُمْ وَاشْكُرُوهُ عَلَى نِعَمِهِ يَزِدْكُمْ وَلَذِكْرُ اللَّهِ أَكْبَرُ